

8.
QK. 201.
QK. 201 49. (X 199 1051)

II i
662

Ain schone ausze- gung uber das gotlich gebet. Vater un- ser Das unns Gott selbs gelernet

hat. Das hat betracht ain armer Pauer/ der wes
der lesen noch schreiben kan / gar hüpsch
vndt nützlich. Allen Christglaubigen
mēschen zu gut. Auch auß Brüderli-
cher crew. Im. XXXij jar.

..o

[Faint, illegible text, likely bleed-through from the reverse side of the page]



Etem so wir spreche Vater vnser / Bey dem sol-
lenn wir gedencfen / vnd betrachten / Das er vns
ser aller vatter ist / vndt so er vnser vatter ist.
So sollenn wir gedencfen / das wir in vaterlich
kennen / als ain kind ain vatter vatterlich erkens
nen soll / vndt darnach in kindlicher treuw vndt liebe / los
ben / vnd so wir das thund . Vnd gethan haben . So soll
wir vns darnach erfreuen in im . Das wir seine kinder seyen /
vndt darbey gedencfen der iltern brüderschafft . Darcum
vns got versamlet vndt verordenet hat / das wir alle brüder
vndt Schwester seindt . Darnach sollen wir gedencfen / das
wir an einander lieb haben / vnd so wir das selb thon / so sol
len wir vns aber ein mal erfreuen in Gott vnserm vatter .
Das wir ain sollichs kostparlich vnschertzlich / erbland haben
zu gewarten / von vnserm lieben vater nach diser zeit / vnd
darnach sprechenn wir (Der du bist in den himeln) Bey dem
sollen wir gedencfen . Herr hymelischer vatter / wie hettenn
wir so einn weytten weg zu dir . Wenn dein götliche gnad nie
wer . Ich bitt dich aber / verleich mir dein gnad / Das ich zu
meinem erbtail vndt vaterland mug kommen . Das ist zu der
ewigen seligtayt . Darnach sprechen wir (Gehailiget werde
dein nam) Bey dem sollenn wir gedencfen Dein hailiger nam
ist bissher nitte vil bey mir gehailiget wordenn / Sonder mehr
vngehailigt / vndt vngewirdiget / geschmecht vndt geschēs
det / Durch mein leichtfertigkeit / vndt Bosheit / so ich deinen
hailigen namen / so offte leichtfertiglich / in meinen stündlich
mund genommen hab / mit fluchen / schelten vndt schweren
vndt darumb so bittich dich vmb dein gnad / das du mir das
wollest verzeihen . Vnd mein hertz wenden zu dem / das hin
fur dein hailiger nam durch mich gehailiget werd / vñ durch
all Chrusten menschen / vndt das sy anruessenn deinen hailige
namen zu vber kommen . Alles das vns noth ist / von deinem

hymnischen vatter. Als du vne dan verhayssen hast im Ewā
glij. dann du sprachest. fur war sag ich euch. was ir bitten
mein hymnischen vatter in meinē namen. das wirt er euch gee
ben. Darüb das dein hailiger nam gnugsam gehayligt werd
durch die gangen welt. darnach so wir sprechen (Zu kunn
vns dein reich) Bey dem sollen wir gedencen. herz hymnische
er vatter. Laß mich nicht zu lang in disem ellendem ianert all.
Sonnder das mir dein reych zu kunn. dein götliche weyßheit
bey vns won. das sy mein seel berhafte mach inn tugenden.
vnd das du mit deiner götlichen liebe verschwendest alle
ding die nicht deiner hayligkeit gebüren mügen. vnd bestat
tige an vns dein lyeb. Das wir ir nymmer mer beraubt wer
den. Vnd der grund bey vns beleyß. so kumpt vns dein
reych. darnach so wir sprechen (Dein will geschich im hys
mel vnd auff erd) Bey dem sollen wir gedencen. Herz
hymnischer vater mein will sol nichts sein. wann mein gewis
senn wayß nymmer nit was gut ist. Du wayst aber zu aller zeyt
was das aller best ist. Darumb will ich mein wyllenn gleych
förmig machen. deinem götlichen willen. Dein götlicher
will werdt zu aller zeyt an mir volbrachte. darnach sollē wir
sprechen (Herz gib vns hent. vnser teglich brot) Bey dem sol
len wir gedencen. Herz hymnischer vater. Ich bit dich nicht
allain vmb das zeylich oder leylich taglich brot. Wann du
hast gesprochen im Ewangelio. Ir solt nicht sorgfeltig sein.
was ir werdent essen oder trincken. Hat euch gott der Herz
geben die seel. Die mer ist dann der leyß. oder essen vnd trin
cken. Furwar er wirt euch das mynder auch gebenn. Wann
er wayß das ir sein notdürfftig seind. Herz hymnischer vatter.
So du dann wayst. das ich das selb notdürfftig bin. Vnd
will mir das selb gebenn. so will ich dich vmb das selb nit als
lain bitten. sunder ich wils benelhen deinem götlichen willen.
Herz hymnischer vatter. Ich bit dich aber vmb das gaysslich


taglich Brot. Das du vne hast angezeigt im Ewangeli. Da
du sprachest. Der mensch lebt nicht allein das natürlichen Brotes.
Sunder ains yeglichen worts. Das da geet auß dem munde
gots. Herz hymliſcher vatter. So ich dan hör das mein arme
feil der ſelben wort muß geleben. vnd von dem ſelben wort
geſpeysſt muß werden. So bitt ich dich hymliſcher vater ver
leych vns priester. vnd prediger. Die dein götliches wort
ausſprechenn. nach deinem götlichen willen. vnd wolgefalle
len. Vnd nach dem hyl vnſerer ſell. Das es in vns wachſe.
vndt hundertfeltig frucht bring. vnd das wir die ſelben
mögen behalten. Vnd vnſer leben richten nach deinem götli
chen willen vnd wolgefallen. Vnd das wir dar durch vns
dich bekommen. ein ſichern vnd ſelligen eingang zu dir in das
ewig reich der hymel. darzu ſoll wir ſprechenn. (Vergib vns
vnſer ſchuld als wir vergeben vnſern ſchuldigern) Bey dem
ſollenn wir gedencen. Herz hymliſcher vatter verleych mir
dein götliche gnad. Das ich meinem nachſten Chriſten mens
ſchen-müg verzeyhen vnd vergeben. von grund meines her
zens. on alle betrüglicheit. oder böſe mittel meines neydigen
herzes. das mir dan nicht möglich iſt zuthun on dein hylff vnd
gnad. Wann du haſt geſprochen im Ewangelio. Ir ſollenn
verzeyhen vnd vergeben. damit das euch auch verzygē ward
So ich dann hör. das mir ſonſt anderſt nicht verzygenn mag
werden. Ich verzeych dann meinem naſten auch. So bitt ich
dich herz hymliſcher vater. Erlöß mein hertz von dem ſchedo
lichen vnd verdampften band des neyds. Das er mich nicht
beraub meines vaterlichen Erbrayl. ſunder das mir das ſelb
zugefüget werd. durch dein verhayffung. die du vns gethonn
haſt. So wir vnſern veynden verzeyhen. ſoll vns auch ver
zygen vnd vergeben werden. Darnach ſo ſprechen wir (Nie
füer vns ein inn verſuchung) Bey dem ſollenn wir gedencen
Herz hymliſcher vater. Es leydt nicht daran. ob wir ſchon ver

sucht werden / Wann du bist selbst auch versucht worden.
Aber für vns nicht ein inn kein versuchung / Die vns sched
lich vnd verdamlich sein müg vnser seel sonnder das sie vns
verdienstlich sey / vnd werd zu dem ewigen leben / darnach so
sprechen wir (Sonder erlöß vns von alle übel) Bey dem sol
len wir gedencen / Herz himlischer vater / erlöß mich vō der
anfechtung des flayschs vnd des bösen gaissts / vnd der anfe
chtung diser welt / vnd auch von den teuffelischen vnd vns
götlichen reichthumb / die meiner seel schedlich sein. Herz hyme
lischer vater / Vor disen vnd allen meinen veinden vnd wis
derfacher / das sie dan taglich mit mir seind streiten / vñ mich
Begeren zuberauben meines vatterlands . Ich bitt dich herz
himlischer vater / hast du mich gesetzt in dein gnaden / So be
halte mich dan ewiglich vor meinen veinden / vnd für mein
arme seel durch dein gelayd / das ist durch dein gnad vnd de
hartherzigkayt zu dem Ewigensfreudenn / dich ewiglich
zu loben vnd zeren vnd dir danck zu sagenn / mit sampt al
len außersölten. **A M E N**



ax Ti 662

N.C.



8.
Ck. 201.
Ck. 201 49. (X199 1051)

ii
662

Ain schone ausze-
gung uber das gotlich gebet. Vater un-
ser Das unns Gott selbs gelernet
hat. Das hat betracht ain armer Pauer/ der wes
der lesen noch schreiben kan/ gar hüpsch
vndt nützlich. Allen Christglaubigers
mischen zu gut. Auch auß Brüderlis
Herrew. Im. XXij. jar.

